

কক্সবাজার

৬ অক্টোবর ২০২০

দেশব্যাপী বন্যার্তদের জন্য ইউএনএইচসিআর-এর ২.৫ মিলিয়ন ডলারের তাঁবু প্রদান

জাতিসংঘের শরণার্থী সংস্থা ইউএনএইচসিআর আজ বাংলাদেশ রেড ক্রিসেন্ট সোসাইটি (বিডিআরসিএস)-এর হাতে তুলে দিয়েছে ৪,৭৫০টি ফ্যামিলি টেন্ট বা তাঁবু। সরকারের প্রতি সাহায্যের অংশ হিসেবে ইউএনএইচসিআর-এর পক্ষ থেকে দেয়া এই তাঁবুগুলো সারা বাংলাদেশের বিভিন্ন জেলায় সাম্প্রতিক মৌসুমী ভারী বৃষ্টি ও বন্যায় ক্ষতিগ্রস্ত পরিবারের মাঝে বিতরণ করা হবে।

দেশের প্রায় সকল জেলা বন্যায় ক্ষতিগ্রস্ত হলেও, কিছু কিছু এলাকা নিদারুণভাবে আক্রান্ত হয়েছে। বিশেষ করে সিরাজগঞ্জ, জামালপুর ও রংপুরের প্রায় ৫৪ লক্ষ মানুষ দুর্দশাগ্রস্ত, এর সাথে সেখানকার প্রায় ১৬৭,০০০ পরিবার সাময়িকভাবে গৃহহীন হয়েছে।

কক্সবাজারের জেলা প্রশাসক মোঃ কামাল হোসেন বলেন, “ইউএনএইচসিআর বিডিআরসিএস-এর মাধ্যমে সারা দেশের বন্যা-দুর্গত মানুষদের জন্য প্রায় ৫,০০০ তাঁবু দিচ্ছে জানতে পেরে আমরা আনন্দিত। এটি আমাদের ও দেশের জনগণের জন্য সুখবর। সারা দেশেই এমন মানুষ আছেন যাদের সাহায্য প্রয়োজন। দেশের বিভিন্ন অঞ্চলে স্থানীয়দের জন্য ইউএনএইচসিআর সাহায্যের হাত বাড়িয়ে দিচ্ছে। গত কয়েক মাসে কোভিড-১৯ মহামারীর সময়ে সদর হাসপাতালের আইসিইউ নির্মাণ ও অন্যান্য বিভিন্ন ক্ষেত্রে কক্সবাজারের স্থানীয় মানুষের জন্য গুরুত্বপূর্ণ সহায়তা পাওয়া গেছে।”

প্রায় ২.৫ মিলিয়ন মার্কিন ডলার মূল্যের এই তাঁবুগুলো দেশের বিভিন্ন জেলার, বিশেষ করে উত্তরাঞ্চলের ২৬টি জেলায়, প্রায় ২৪,০০০ বন্যা-দুর্গত বাংলাদেশীদের জন্য সহায়ক হবে।

বাংলাদেশ রেড ক্রিসেন্ট সোসাইটির ডেপুটি ডিরেক্টর ও স্থানীয় দায়িত্বপ্রাপ্ত কর্মকর্তা আফসার উদ্দিন সিদ্দিক বলেন, “ইউএনএইচসিআর ও বিডিআরসিএস যৌথভাবে দেশব্যাপী বন্যায় আক্রান্ত মানুষের জন্য কাজ করছে। সরকারের সমর্থন ও সহযোগিতার জন্য আমরা ধন্যবাদ জানাই। এই অনুদানের মাধ্যমে দুর্যোগ প্রস্তুতি আরও ভালো হবে, আর সাময়িক আশ্রয় দেয়ার মাধ্যমে মানুষেরও উপকার করা যাবে।”

জাতিসংঘের শরণার্থী সংস্থা ইউএনএইচসিআর বিডিআরসিএস ও অন্যান্য সহযোগীদের সাথে বাংলাদেশ সরকারের সাইক্লোন প্রিপেয়ার্ডনেস প্রোগ্রামে সহায়তা দেয়ার পাশাপাশি দিচ্ছে বন্যা ও পানি নিরাপত্তা প্রশিক্ষণ, নগদ সহায়তা, এবং প্রতিকূল আবহাওয়ায় ক্ষতিগ্রস্ত রোহিঙ্গা শরণার্থী ও স্থানীয় বাংলাদেশীদের জন্য জরুরি ত্রাণ ও অন্যান্য সহায়তা।

স্থানীয় ও শরণার্থী স্বেচ্ছাসেবকদের মাধ্যমে দুর্যোগ মোকাবেলার প্রয়োজনীয়তা ও উপযোগিতা অপরিসীম। চলমান কোভিড-১৯ মহামারীতেও এটি প্রমাণিত হয়েছে কিভাবে স্বেচ্ছাসেবকেরা জীবন বাঁচানোর ভূমিকা পালন করতে পারে।

কক্সবাজারে ইউএনএইচসিআর-এর হেড অফ অপারেশনস মারিন ডিন কাইদমচাই বলেন, “জেলা প্রশাসনের সাথে মিলে আমরা কাজ করছি যেন প্রয়োজনের মুহুর্তে বাংলাদেশের মানুষের জন্য সাহায্যের হাত বাড়িয়ে দেয়া যায়। আজ

PRESS RELEASE

বিডিআরসিএস-এর সাথে সমন্বয়ের মাধ্যমে আমরা বাংলাদেশের উত্তরাঞ্চলের বন্যা-দুর্গত মানুষদের সাহায্য করতে পারছি। শরণার্থী সংস্থা হলেও, বাংলাদেশের মানুষের প্রয়োজনে আমরা কাজ করছি। শরণার্থীদের পাশাপাশি স্থানীয় জনগণের সেবা ও উপকার করা আমাদের লক্ষ্য।”

শেষ

যোগাযোগ

কক্সবাজারঃ

লুইজ ডনোভ্যান, donovan@unhcr.org; +880 18 4732 7279

ঢাকাঃ

মোস্তুফা মোহাম্মদ সাজ্জাদ হোসেন; hossaimo@unhcr.org; +8801313046459